

Эренлардин сес

12+

РД-дин Докъузпара район-
дин общественно-
политический газет
Общественно-политическая
газета Докузпаринского
района РД

№42 (1128), 18-ОКТЯБРЬ, АРБЕ. 2023-ЙИС. Газетдин са экз. кѳимет киоскрай - 20 манат

«Ахцегьрин ичерин Югъ» фестивалда иштиракна

13-октябрдиз Ахцегь, Советрин Союздин Игит Валентин Эмирован тѳварунихъ галай паркуна къадим халкъдин медениятдин адет хъанвай сувар яз, «Ахцегьрин ичерин Югъ» кыле фена.



Райондин мугьманрин ва агьалийрин дикъет патал хуьрерин чкайрин майданар, хуьруьн майишатдин девлетлу мекера (ярмарка) тешкилнавай. Адан майданар шикилралди, Ахцегьрин вири жинсерин ичералди безетмишнавай. И мярекатда Докъузпара райондин Кьил Мегьамед Шамиловани иштиракна. «Ахцегьрин ичерин Югъ» фестиваль Ахцегь райондин руководстводи ва райондин мугьманри шад гьалара и мукьвара капиталный ремонт авуна куьтягнавай культурадин Кьвале ачухна. Делегациярин членри, иштиракчийри тешкилнавай майданрал кьил чугуна, лезги халкъдин милли хуьрекрин сиягьдихъ, халкъдин селяткарвилерин такьа-

трихъ галаз танишвална.

Докъузпара райондин Кьил Мегьамед Шамилова Ахцегь райондин агьалийриз кыле физвай халкъдин сувар мубаракна, ада Ахцегь райондин Кьил Абдул-Керим Палчаеваз милли чешнедин сувар тешкилуна сагърай лагьана.

«Ахцегьрин ичерин йикъан сувари зегьметчи хуьрерин агьалийрин гуйгуйлар кьумбарнавай. «Ахцегьрин ичер» - им сифтени-сифте чи бубайрин агалкъунрин, зегьметдин ирс, баркаллу, чешнеллу крар рикел хкана, хуьн» я,- кьейдна М.Шамилова.

Ахпа концертдин программа эгечина. Шадвилдин мярекатдин иштиракчийри Ахцегь райондин гьевескар манидарри устадвилелди тамамарай манийрихъ яб акална.

Мярекат рикел аламукьдайди, шадди ва гьевеслуди хъана.

Шагьбала ШАГЬБАЛАЕВ


Оперштабдин заседанида иштиракна

И мукьвара Докъузпара райондин Кьил Мегьамед Шамилова, ВКС-дин режимда, РД-дин Правительстводин Председатель Абдулмуслим Абдулмуслимован регьбервилек кваз кыле фейи, дубньядин къецепатан делилар фикирда къуна, региондин экономика мягькемвилелди вилик тухунин месэлайриз талукьарнавай Оперативный штабдин заседанида иштиракна.

Йикъан кьвалахдин повесткадиз ЖКХ-дин объектри зулунни хуьтгуйн вахтуниз гьазур авунин, объектар эцигунин ва капремонт авунин, Махачкала – Каспийск агломерацидин къаналар михьи авунин рекьай тадаракар реконструкция авунин ва маса месэлаяр акъвазнавай. Абдул-

нин кардиз талукьди тир. Ахпа гаф РД-дин сад лагъай вице-премьер Манвел Мажонцаз гана. Ада республикадин ЖКХ-дин объектар 2023-2024-йисарин зулунни хуьтгуйн вахтуниз гьазурвал аквазвай гьаларикай суьгьбетна. Гьа са вахтунда ада ресурсралди таъминарзавай тешкилатрин вилик республикадин ва муниципальный бюджетрай таъминвал авай госучрежденияр буржувилик кумукьнавай месэладайни рахунар авуна.

Заседанидин сергьятра яшайишдин те-



рефда эцигунрай ва капиталный ремонт авунин кьвалахар бюджетдин такьатрин кумекдалди тамамарзавайбурун гьакьиндайни месэла кьарагьарна.

Ахпа РД-дин здравоохраненидин министр Татьяна Беляево ва республикадин Обрнаукдин министр Яхья Бучаева алуькьдай йисуз фикирда кьунвай мярекатрикай, абур кыле тухудай вахтарикай, кьвалахда гьалатзавай четин месэлайрикай суьгьбетна.

Заседанидин негьтижар кьуналди, премьер-министрди гьужуматдин идарайрин руководителриз вилик акъвазнавай месэлаяр гьялуни рекьай жавабдарлу хуьниз эвер гана.

«Пландик квай мярекатар, тавакуллагьар галачиз кылиз акъудун паталди абуруз вилик кумаз анализ гуз жедай тегьерда килигна, кьвалахни тешкилна кьанда», - лагьана ада.

Шагьбала ШАГЬБАЛАЕВ

«Ачух Дагъустан» туриствилдин форумда иштиракна

Докъузпара райондин векилри нубатдин гьисабдай вад лагъайди тир Каспийск шегьердин «Анжи Арена» стадиондин сергьятра кьил кутур «Ачух Дагъустан» тѳвар алай туриствилдин форумда иштиракна.

Чи райондин деральный округдин ва культурно-досуговой центрадин работникри ана медениятдин программа ва милли хуьрекрин пипи гьазурнавай.

А мярекатдиз Кефердин Кавказдин фе-

Министр Эмин Мер-



данова мярекатдин ишти-
ракчяр тебрикна, туристви-
лин обществояр ва карчяр
патал и жуьредин мярекатар
тухун хийирлу яз гысабна.
Форумдин сергытра
милли парталрин, хуьре-
крин, халкьдин сеняткарви-

лин тадаракар эцигнавай.
Эмин Мерданова ре-
спубликадин муниципали-
тетрин гьаятрал, гьа жер-
гедай яз, Докъузпарадин
гьаятдални кьил элягьна.

ЧИ МУХБИР

ДГПУ-дин 80 йисан юбилейда иштиракна

Дагъустандин педуниверситетда, ам арадал атай йикъа-
лай инхъ 80 йисан юбилейдин шадвилера Докъузпара район-
дин делегацидини кьиле Мегъамед Шамилов аваз иштиракна.



Докъузпаради уни-
верситетдин сергытрин май-
данда вичин гьаят ачухнавай.
Анал яшайишдин
адетриз деб хьанвай тлуь-
нар, сенятар, сеняткарвили
къабкъажах эцигнавай. Чи
культурадин досуговый цен-
традин работникри меденият-
дин программани къалурна.
Чи райондин гьаятдал РД-
дин Кьил Сергей Меликова кьил
чугуна, ада Докъузпара район-
дин Кьил Мегъамед Шамиловаз
«Дагестанское подворье» про-

ект хиритI авунай, жегьилрин
арадай педкадряр гьазуриз
куьмек авунай сагърай лагьана.
Вичин нубатда, Мегъамед
Шамилова педуниверситетдин
80 йис тамам хьун мубаракна,
анин преподавателриз тербия
гунин ва жегьил кадряр гьазу-
рунин рекьяй авай мукъуфдай
ва зегьметдай алхишар авуна.
Чи райондин Кьили,
куьрелди, ДГПУ-дин гьаятда ли-
шанда тунвай Шалбуз дагъдикай
ва райондикай суьгьбетар авуна.

Мегъарамдхуьруьн райондин 80 йис тамам хьунин мярекатда иштиракна

14-октябрдиз чи кьунши Мегъарамдхуьруьн рай-
онди, вич тешкил хьайи йикъалай инхъ алатнавай 80 йи-
сан юбилей кьаршиламышна. И шад вакъиадиз талукь
яз Мегъарамдхуьре халкьдин кьекъуьнар кьиле фена.



А мярекатда Докъузпа-
ра райондин Кьил Мегъамед
Шамиловани иштиракна. Му-
ниципалитетдин 80 йисан сува-
рик иштиракиз республикадин
меркездай РД-дин Правитель-
стводин заместителар: Рамазан
Джафаров Заур Эминов, РД-
дин милли сиясатдай ва дин-
дин краай Министр Энрик
Муслимов, РД-дин яшайишдин
рекцияй вилик финин ва зегьмет-
дин Министр Мурад Къазиев
ва гьукуматдин маса жавабдар
къуллугърал алай ве-
килар атанвай.

Юбилейдин мярекат

гьуьрметлу мугьманар фу-
алди ва кьелелди къабулай-
далай гуьгъуьниз, район-
дин руководстводи хуьрерин
майданрал кьил чугуна, си-
минин пагъливанрин устад-
вилин кьугъунриз килигна.

Выставкайрин иштирак-
чийри чпин райондин, хуьре-
рин сеняткарвили тадаракар
эцигнавай, шикилар акъудна-
вай. Концертдин программа-
ни гегьенш сергытринди тир.

Концертдин програм-
мада чи ватанэгъли, Дагъустан-
дин искусствойрин лайихлу
деятель, ашукь Алихан Мегъа-
медрагьимовани иштиракна.

Полицидин тамам ихтиярар авай участковый Т. Сулейманован кIвалахдин гьахъ-гьисаб

Усугъчай хуьре и мукъвара сход кьиле фена. Анал
11-административный участокда къуллугъ кьиле туху-
звай Россиядин МВД-дин «Ахтынский» МО-дин полици-
дин уполномоченный Тамерлан Сулейманова йисан кьиле
вичи тухванвай кIвалахдин гьакъиндай гьахъ-гьисаб авуна.



Т. Сулейманова суьгь-
бетна, райондин кьенепатан
отделдихъ галаз санал закон-
дин истемишунар кьилиз акъуд
тийизвай ва маса тахсиркар-
вилерихъ галаз комплексдин
серенжемар кьиле тухвана.

Абур кьилиз акъудунин

карда халкьдин дружинадин
членри, кьенепатан органрин
къуллугъчийриз шериквал
аваз, са жерге операцияр кьиле
тухвана. И рекьяй хуьрерин ад-
министрацийрин куьмекарни
алава жезва. Гьавилай гзаф тах-
сиркарвилер ачухаризни, абу-

ДОБРОВОЛЬЧЕСКИЙ БАТАЛЬОН
« КАСПИЙ »

ВОЗРАСТ ОТ 18 ДО 60 ЛЕТ
С ВОЗМОЖНОСТЬЮ ВЫБОРА
ЗАКЛЮЧЕНИЯ КРАТКОСРОЧНОГО
КОНТРАКТА СРОКОМ ОТ 6 ДО 12 МЕСЯЦЕВ

ПОЛНОЕ ГОСУДАРСТВЕННОЕ
ОБЕСПЕЧЕНИЕ (СТРАХОВОЕ,
МЕДИЦИНСКОЕ,
ПРОДОВОЛЬСТВЕННОЕ, ВЕЩЕВОЕ)

+7 988 465 18 91
+7 967 777 17 77
+7 960 409 65 95

рун куьмекар галаз алакьна.

Сходдал кьейдна, тахсиркарвилер яшайишдин гьалар яшайишдинни экономикадин таъсирдик кваз, маса экономикадин таъсирдик кваз, ва маса делилрикди арадал кьезва. ГьикI лагьайтIа, агьалийрин яшайишдин дережа агъуз аватзава, бейкарвал артух жезва, тербиядин кIвалах саки гьилий вегьенва, пиянискавал, наркомания чикIизва, кьиле физвай таблигъатни телева киноэкранный тухузва. Ихътин себери общественный эдебдиз аксивалзава ва нетижада тахсиркарвилер арадал гьуниз ачухдиз таъсирзава.

ИкI, Докъузпара райондин администрацидин хуьрерин чкайрай 9 вацран вахтунда Усугъчай хуьрай 1 тахсиркарвилерин дуьшуьш ава. Ам 228 УК РФ-дин 1-статьядин делил я. Кьейд авун лазим я, Россиядин МВД-дин «Ахтынский» МО-дин профилактикадин учетда 11-нумрадин участокдай 7 агьали ава; ругъдин азардик начагъ – 1 кас, виликдай суд-дувандик хъайибур – 5 кас, САР-дин сергьятра ава

1-гражданин. КУСП-дай агьалийрилай атанвай 18 арзадиз ва жалобайриз килигна. Абурукай 10 гел тухун патал дугурна, 8-номеклаторный делояр я.

РФ-дин КоАП-дин статьяйрай 89 административный протоколар тукIуьрна, ГАИ-дин профилактикадин рекьяйни – 36.

РД-дин МВД-дин кьарардин истемешунар кьилиз акъудунин рекьяй «О мерах по предупреждению пожаров» УУП-дин кьуллугъчийри гьар са кIвалин иесидин гьаятдиз гьахьиз, хатасузвилерин рекьяй гьавурдик кутунин кIвалах тухузва. Банкарин картайрихъ галаз лутуйри тухузвай кьуьруькрикайни кIватI хьанвайбур хабардарна. УУП-дин кьуллугъчиди хуьрерин чкайра гьалтзавай шак гьидай инсанар гьалтайла, полицидин отделдиз хабар авун тIалабна. «Оружие-выкуп» серенжемдин проектни рикIел хкана.

Сходдал ТЭК-дин терефдай кIвалахдик ериш кутунни месэлайрин жергедик квай.

Шагьбала ШАГЬБАЛАЕВ

Цийи Каракуьредин хуьре – сход

И мукьвара Цийи Каракуьре хуьруьн агьалийрин вилик Россиядин МВД-дин «Ахтынский» МО-дин полицидин тамам ихтиярар авай участковый Тамерлан Сулейманова вичи кьиле тухванвай кIвалахдин гьахъ-гьисаб авуна.



Мярекатдин сергьятра контрактный дявдин кьуллугъдиз ва Россиядин Яракьлу кьуватрин жергейриз зулун призывдин гражданагъ гьазуруниз, терроризмдин, экстремизмдин аксина кIвалах тухуниз, «Каспий»-гьуьгуьллубурун дестедиз гьахьунин месэлайриз талукъ рахунар кьиле фена.

Сходда жемиятдин

хатасузвилай райондин Кьилин заместитель Марат Крымова, хуьрерин администратийрин кьилери, Россиядин МВД-дин «Ахтынский» МО-дин ва сергьятар хуьзвайбурун кьуллугъдин векилри, хуьруьн агьалийри иштиракна.

Участковый уполномоченный Т.Сулейманова тарихдиз хъфизвай йисан сергьятра

тухванвай кIвалахдин нетижайрикай суьгьбетна. Ада профилактикадин учетда шумуд кас аватIа, хуьруьн агьалийрилай атанвай арзайрин ва жалобайрин, килигнавай делойрин гьакъиндай хабарар гана. «Оружие выкуп» серенжемдикайни рикIел хкана.

Марат Крымова Россиядин Яракьлу кьуватрин жергейриз контрактдин бинедаллаз кьабулунин, «Каспий» гьуьгуьллубурун дестедиз гьахьунин кьетIенвилерикай, зулун призывдиз гьазурувал акунин, терроризмдин аксина кIвалах тухунин терефрикай важиблу рахунар авуна.

Кьейдна кIанда, «Каспий» гьуьгуьллубурун дестедиз 18 йисалай 65 йисан яшдалди авай гражданагъ кьабулзава. Контракт 6-12 вацранди я. Гьуьгуьллу дестеда авай касдивай, вичин хушуналди контракт фад амазни алу-

диз жеда. Виче кьведай гьазурувал авачиз гьуьгуьллубурун дяведин зулуниз ракьурзава. Чирвилерин курс тухвайдалай гьуьгуьнизни абур оборонадиз кьвед, пуд лагьай цIарцIе амуькьзава.

Ада гьуькуматди абуруз ийизвай кьезилвилерикай, куьмекрикайни баянар гана. М.Крымова зулун призывдиз талукъ яз, военкоматдиз гьакъикъи себбар авачиз, тефейбуруз 30 агъзур манатдин жерме ийизвайдакани хабар гана.

Мадни, ада кьейдна хьи, алай вахтунда интернетда авай материалрихъ элкъведайла, аставал герек я. И жигьетдай жегьилрин диде-бубайри абурун машгьулвилел гьуьзчивал тухун важиблу я.

Гуьруьшдин вахтунда хуьруьн агьалийри чпи итиж ийизвай месэлайрай суалар гана ва абуруз ярашугъ, тамам жавабарни вахчуна.

Шагьбала ШАГЬБАЛАЕВ

Сейфедин вилегъ ва жуьретлу разведчик тир

Каракьредин сифтегъан мектеб акьалтIарна, Сейфедина «Дагъустандин Огни» шегьердин шуьшедин чIунар акъуддай завода сифте шакIуртIвиле, ахпа механический цехдин рабочийвиле кIвалахна. Ана намуслувилелди кьилиз акъудзавай зегьметдин нетижайриз килигна, адаз «Стахановчи» тIвар гана.

1941-йисан эвел кьилера заводдин направленидалди С.Н.Абдулкеримов Москвадиз кадряр гьазурунин рекьяй 6 вацран курсариз рекье твадавал хьана. Гьа икI, пуд вацралай лагьайтIа, Ватандин Чехи дяве башламишна.

Курсар куьтыгъиз тахьана, ам «Дагогнидин» шуьшедин чIунар акъуддай заводдиз хтана, ина вичин кIвалах давамар хьувунин эхгечIна. 1941-йисан эхирра С.Абдулкеримова Дербентдин райвоенкоматдиз вич гьуьгуьллувилелди фронтдиз физ гьазур тирвилерин гьакъиндай арза гана. Механический цехди а вахтунда дяведин заказар кьилиз акъудзавай. Сейфединахъ, анин фяледи хьиз, дяведиз фин тийидай ихтияр (бронь) авай. ИкI ятIани кьастунал ва гафунал мягькем дагъвиди 1941-йисан декабрдиз вич фронтдиз рекье твадавал авуна. Фронтда С.Абдулкеримов отделенидин командир, гвардиядин старший сержант хьана. Ада пехотадин кьушунра аваз Калининский, Воронежский, Волховский, фронтра кьати ягъунра иштиракзава. Сейфедин аскервилерин буржидиз вафалу, жуьрлу разведчик тир.

Ягъанру залан хирер хьанатIани, ада вич госпиталра сагъарна. Дяведин лайихлувилерай Сейфедин С.Абдулкеримовад вад орден ва хейлин медалар гана.

Адахъ Баркаладин кьвед ва пуд лагьай дережайрин, кьве Красный Звездадин, Ватандин Чехи дяведин орденар ва 14 медаль авай. Абурун жергедай яз, «За отвагу» медални. Сейфедин Абдулкеримов «Отличный разведчик» значокдални кьейднавай. Командованийрин патай адахъ сан кьаз тежедай кьван

Сейфедин Наврузович Абдулкеримов лежбердин хизанда Каракьуре хуьре 1912-йисуз дидедиз хьана. Ам гьеле гьвечIизмаз етим хьана. Ими Эмирсултана адаз тербия гана, ам инсанрин жергейра туна.



Чухсагъулдин чарар авай. С.Абдулкеримов 1945-йисан эвел кьилера, кьвед лагьай дестедин инвалид яз, хайи хуьруьз хтана. Ам гьасятда ислягъ уьмуьрдин кьурулушдик экечIна. 1945-йисалай 1955-йисалди Сейфедин Наврузовича Каракьуредина Сталинан тIварунихъ галай колхоздин седривиле кIвалахна, ахпа пенсиядиз фидайла, ам Каракьуре хуьруьн советдин председатель тир.

Пенсияда авайлайни, С.Абдулкеримова хайи хуьре Агъсакъалрин советдиз регьбервал гана. Ада жегьил несилдин арада тербиядин кIвалах тухвана. Дявдин кьегьал, Ватандин патриот 1989-йисуз рагъметдиз фена. Докъузпаравийри, ам чидай ксари Сейфедин бубадин баркаллу кьамат датIана рикIера хуьзва.

Шагьбала ШАГЬБАЛАЕВ

Зегьметдин Игит кьурушви

(Калмыкиядин Игит Мерзметов Ханбуба Надирович дидедиз хьайидалай инихъ 90 йис тамам хьуниз талукуь яз)

Дагьустандин халкъдин артист Тарлан Мамедова вичин ажайиб, риклери члугвадай сесиналди тамамарзавай «Кьурушар» мандихъ гзаф ватанэгьлийри хушвилелди къени яб акалзава. Гьакъикъатданни, кьурушвиар чи члехи Ватанда баркалу ва сейли инсанар яз машгьур хьанва.

И хуьрйяй Дагьустандин обкомдин ВКП(б-дин) сад лагьай секретарь Нажмудин Панагьович Эфендиев (Самурский), Социалзмдин Зегьметдин Игитар: Агьабег Уружев, Сейфедин Кьулиев ва маса пешейрин зурба гьунарар авай ксар акъатна.

А сиягда Калмыкия Республикадин Зегьметдин Игит Мирзметов Ханбубадин тварни мягькемдиз гьатнава. 1974-йисан 9-октябрдиз Калмыкия Республикади Ханбуба Мирзметоваз бахшна гьазурнавай махсус плакат-газетда адан зегьметдин члехи агалкъунрикай кхьенвай: «Вад йисан къене Куьне, план 3695 яз, 4582 кел къачуна. Гьа са вахтунда, план 47,178 кг яз, Куьне 60,601 кг сар твана, гьукуматдиз маса ганва. Ибур вири дестедин кьиле коммунист, Ленинан ордендин сагьиб, члехи чубан Мирзметов Ханбуба акъвазнавайвили ганвай нетижаяр я. Квехъ мадни еке агалкъунар хьурай! Калмыкия Республикадин Парламентдин Председатель К.Максимов».

Халис ватанпересди Кьурушар Калмыкиядин дьузэнлухрани риклелай алуднач, чи къуьнши республикадани хайи хуьруьн твар машгьурна.

Ханбуба Надирович хайи хуьруьз хтанва лагьай хабар галукъайла, зун адакай са макъала кхьин патал кваллиз фенай. Ада вичин рагьметлу кайванидивай документар авай чемодан гьун тлалабнай. А члавуз чемодан гьайила, рагьметлу Ханбуба стхади зара-



фатдавди икI лагьанай: - И чемоданда, муаллим, заз пишкешай «Волга» машин гьакънач. Амай ваз клани документар вири на ава. Муаллим, зун ихьтин дережайрив агакъуник, ихьтин гьуьндурдиз хкаж хьуник Селягьадин лайихлу пайни ква. За къазанмишнавай вири тварарин лап члехи пай зи уьмуьрдин юлдашдин гьунарарни я. Ам зи бригададин чубанни хьана, кваллин иесини, зи балайрин дидени. Аквазвани ваз, эгер зи хиве тек са чубанвили везифаяр хьанатла, адан хиве залай пуд сеферда артух дердияр гьатнавай. Гьалтай вири четинвилер чна дурум гана, саналди алудна...

1987-йисан «Советские профсоюзы» журналдин 20-нумрада члехи чубан Ханбуба Мирзметован агалкъунрикай еке макъала чапнавай. Ина 30 йисалайни гзаф вазтунда намуслудаказ зегьмет члугвазвай Калмыкия Республикадин «Чагорта» совхоздин чубан Мирзметов Ханбуба Надировича, Ленинан, Октябрдин инкьилабдин, Зегьметдин Яру Пайдахдин, СС-СР-дин Халкъарин Дуствилин орденрин сагьибди,

хипехъанвал вилик тухунин сирерай кьил акъудзавай кьайдайрикай, майишатди тайинарнавай планар артухни алаз тамамарзавайдакай ва маса агалкъунрикай кхьенвай.

Ханбуба Мирзметоваз Игитвиллин орден ганва лагьай хабар агакъайла, адаз и агалкъун тебрикиз, патарихъай гзаф мугьманар атанай. Абурун арада къве сеферда СС-СР-дин Игит, летчик-космонавт Валерий Быковский, Госдумадин депутат Рамазан Абдулатипов, РФ-дин хуьруьн майишатдин министр Геннадий Кулик, Дагьустандин Госсоветдин Председателдин заместитель Багьаудин Агьмедов ва хейлин масабур атанвай. Гьа йисуз Ханбуба Надирович вичин хайи Кьурушдал мугьманвиллиз хтайдакай хабар хьайила, адаз Махачкаладиз атун теклифнай. Анай абур Расул Гьамзатов, адан дуст, Калмык шаир Давид Кугультинов ва Госсоветдин аппаратдин маса векилар Сергокъала райондин «Изумруд» твар алай хипехъанвили колхоздиз фена. Майишатда абур лап багьа мугьманар хьиз къаршиламишна, еке гьуьрметар авунай. Эхирдай лап хъсан концертни ганай.

Мирзметов Ханбуба, баркаллу зегьметкеш хьиз, тербиялу, члехи хизандин иесини хьана. Ада вичин уьмуьрдин юлдаш, рагьметлу Селягьа бадедихъ галаз санал кьуд хвани пуд руш тербияламишна, уьмуьрдин шегьредал акъудна. Гадайри чпин бубадин рехъ давамарзава, чпин хизанарни галаз Калмыкиядани Тарумовкада кваллахзава.

Гьажии КЪАЗИЕВ, муаллим

О проведении публичных слушаний

На публичных слушаниях представятся проекты ПЗЗ 1. Село Куруш 2. Сельсовет Килерский 3. Село Мискинджа Докузпаринского района РД.

Информационные материалы по теме публичных слушаний представлены на экспозицию по адресу; Республика Дагестан, Докузпаринский район, село Усучай в здании администрации МО.

Экспозиция открыта с 23 октября 2023г по 25 октября 2023г часы работы экспозиции: в рабочие дни с 10:00 по 16:00ч.

Собрания участников публичных слушаний состоятся: 25 октября 2023 г в 14:00 ч. по адресу - 368750, Республика Дагестан, Докузпаринский район, село Усучай, ул. Х.Д. Заманова, д. 2.

Время начала регистрации участников - с 13:00 ч.

В период проведения публичных слушаний участники публичных слушаний имеют право предоставить свои предложения и замечания по обсуждаемому проекту посредственно.

КАК ЗАЩИТИТЬСЯ ОТ ОНЛАЙН-МОШЕННИКОВ

Чтобы добраться до ваших банковских счетов, мошенникам нужны ваши персональные данные и реквизиты карт

Какие схемы используют аферисты?

- ОБЕЩАЮТ ЗОЛОТЫЕ ГОРЫ**
Опросы за вознаграждение, социальные выплаты или сверхприбыльные инвестиционные проекты. Гарантия быстрого обогащения — признак обмана
- ЗАМАНИВАЮТ НА РАСПРОДАЖИ**
Огромные скидки и низкие цены могут оказаться мошеннической уловкой
- СПЕКУЛИРУЮТ НА ГРОМКИХ СОБЫТИЯХ**
Например, обещают сбор денег на разработку вакцин, обещают вернуть деньги за отмененные рейсы или предлагают получить государственные дотации
- МАСКИРУЮТСЯ**
Разыгрывают роль продавцов и покупателей на популярных сайтах объявлений

Как обезопасить свои деньги в интернете?

- 1 Установите антивирус и регулярно обновляйте его
- 2 Заведите отдельную дебетовую карту для платежей в интернете и кладите на нее нужную сумму перед оплатой
- 3 Всегда проверяйте адреса электронной почты и сайтов — они могут отличаться от официальных лишь парой символов
- 4 Не переходите по ссылкам от незнакомцев — сразу удаляйте сомнительные сообщения
- 5 Никому не сообщайте свои персональные данные

Подробнее о правилах кибербезопасности читайте на phishing.info

Финансовая культура

Сулейманов Низамаз, Робертаз, Мегьамедалидиз багьри инсан **ЧМИНАЗ** вахтсуздаказ рагьметдиз финихъ галаз алакъалу яз, ЕИЦ-дин коллективди башсагьлувал гузва.

Усугъчайдин Х.Д.Заманован тварунихъ галай СОШ-дин тарихдин тарсар гайи муаллим **Агьаметов Руслан Абасагьаевич** рагьметдиз финихъ алакъалу яз, ЕИЦ-дин коллективди адан хва Ренатаз ва Докъузпара райондин Кьил Мегьамед Шамиловаз, гьакъни Агьаметоврин вири мукьва - кьилийриз ва багьрийриз башсагьлувал гузва.

«ЭРЕНЛАРДИН СЕС»
2001-йисан
ноябрдизлай акъатзава

Тешкилайди:
Докъузпа районодин
администрация,
Дагьустан Республика

Учредитель:
Администрация
Докузпаринского района,
Республика Дагестан

Кьилин редактор:
Ш.О. ШАГЬБАЛАЕВ
Хусуи корреспондент:
А.Э. ЭМИРСУЛТАНОВ
Корректор: **Ш.О. ШАГЬБАЛАЕВ**
Верстка ийизвайди:
А.Э. ЭМИРСУЛТАНОВ
Газетдин индексар:
Зур йисан кьимет - 345 м.
Йисан кьимет - 690 м.

Редакциядинни макъалайрин авторрин фикрар сад тахьун мумкин я Макъалайрин делдин дьузвилини патарихъай жаваб авторри чли гуда. Макъалайриз рецензия гузвач ва абур элкьвена вахкузвач. М адни, чпин макъалайра дегьшвилер тунал, кьилер дегьшарунал рази тушир мухбиривай чна абур редакциядиз ракъур тавун тлалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан.

Регистрационный номер ПИ №ТУ5 - 00256 от 14 июня 2013 г. Позиция редакции может не совпадать с точкой зрения авторов, которые несут ответственность за достоверность и объективность предоставленных для публикации материалов. Рукописи не рецензируются и не возвращаются. При перепечатке ссылка на «Новый мир» обязательна.

Редакциядин, издательстводин ва типографиядин адрес:
368750, Докъузпара район, Усугъчай хуьр,
тел.+ 7 (8722) 55-14-61 e-mail: golos-erenlara@mail.ru
Чи сайт: www.erenlar.ru

Газета «Эренлардин сес» сверстана и отпечатана в ООО
«Типография-М» по адресу: г.Дербент, ул.С.Курбанова, 25.
Чапдиз вахкай вахт: 13:00
Чапзавай вахт - 14:30
Тираж 200
Заказ №